




Broj: 01/3-50-3-3-14/21

Sarajevo, 6. 7. 2021.



ZAPISNIK

14. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 6. 7. 2021.

Sjednicu Komisije za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) sazvao je Dragan Bogdanić, predsjedavajući Komisije.

Sjednica je počela u 13 sati.

Sjednici su prisustvovali: Dragan Bogdanić, Mijo Matanović, Šemsudin Mehmedović, Zukan Helez, Mirko Šarović i Enver Bijedić.

Sa sjednice Komisije opravdano su odsustvovali: Edin Mušić, Nenad Stevandić i Damir Arnaut.

Sjednici je prisustvovao sekretar Ministarstva vanjske trgovine i ekonomskih odnosa BiH Hamdo Tinjak, podnositeljica inicijative poslanica u Predstavničkom domu Parlamentarne skupštine BiH Darijana Filipović i direktorica Izvozno-kreditne agencije BiH Lamija Kozarić-Rahman.

Sjednici su, također, prisustvovali: Mirjana Crnjak, sekretarka Komisije za vanjsku trgovinu i carine, Enver Bogučanin, stručni savjetnik u Odjelu za informiranje u Sektoru za odnose s javnošću Sekretarijata Parlamentarne skupštine BiH, i Nenad Pandurević, sekretar Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH.

Predsjedavajući Komisije Dragan Bogdanić otvorio je 14. sjednicu Komisije i konstatirao da postoji kvorum. Od ukupno devet članova, sjednici prisustvuje šest.

Predsjedavajući Komisije pročitao je predloženi dnevni red 14. sjednice.

Budući da nije bilo izmjena ni dopuna, predsjedavajući Komisije konstatirao je da 14. sjednica ima sljedeći

DNEVNI RED

1. Usvajanje Zapisnika 13. sjednice Komisije;
2. Razmatranje Izvještaja o radu Vijeća ministara BiH za 2020, podnosilac: Vijeće ministara BiH, broj: 01,02-50-18-1218/21 od 14. 6. 2021, u dijelu nadležnosti Komisije za vanjsku trgovinu i carine, i to za Ministarstvo vanjske trgovine i ekonomskih odnosa BiH;
3. Razmatranje poslaničke inicijative Darijane Filipović i Predraga Kožula kojom Predstavnički dom Parlamentarne skupštine BiH zadužuje Ministarstvo vanjske trgovine i ekonomskih odnosa BiH i Ministarstvo vanjskih poslova BiH da preduzmu sve potrebne aktivnosti kako bi osigurali do kraja 2021. pristupanje Bosne i Hercegovine u Međunarodno vijeće za maslinovo ulje – IOC. Zadužuju se navedena ministarstva da, svako iz svoje nadležnosti, podnesu izvještaj Predstavničkom domu Parlamentarne skupštine BiH u roku od 60 dana od usvajanja inicijative, broj: 01-50-1-1183/21 od 9. 6. 2021;
4. Razmatranje Informacije o trenutnom stanju u Izvorno-kreditnoj agenciji BiH (IGA) uzrokovanom blokadom glavnog transakcijskog računa, broj: 01,02 -50-18-1232/21 od 17. 6. 2021;
5. Tekuća pitanja.

Ad. 1. Usvajanje Zapisnika 13. sjednice Komisije

Na Zapisnik 13. sjednice Komisije nije bilo primjedbi, te je usvojen s pet glasova „za“, jednim glasom „suzdržan“ i bez glasova „protiv“.

Ad. 2. Razmatranje Izvještaja o radu Vijeća ministara BiH za 2020, podnosilac: Vijeće ministara BiH, broj: 01,02-50-18-1218/21 od 14. 6. 2021, u dijelu nadležnosti Komisije za vanjsku trgovinu i carine, i to za Ministarstvo vanjske trgovine i ekonomskih odnosa BiH

Predsjedavajući Komisije kazao je da su materijal za ovu tačku dobili ranije, te je pozvao predstavnika Ministarstva vanjske trgovine i ekonomskih odnosa Bosne i Hercegovine da iznese uvodno izlaganje ako želi.

Hamdo Tinjak, sekretar Ministarstva vanjske trgovine i ekonomskih odnosa BiH, ukratko je obrazložio rad Ministarstva vanjske trgovine i ekonomskih odnosa BiH u 2020. godini, kazavši da je prošla godina bila godina pandemije koronavirusom, što je uticalo na aktivnosti Ministarstva. Zatim je predsjedavajući otvorio raspravu o ovoj tački.

U raspravi su učestvovali: Mirko Šarović, Šemsudin Mehmedović i Enver Bijedić.

Nakon rasprave, pristupilo se glasanju.

Komisija u okviru svoje nadležnosti, s tri glasa „za“, s tri glasa „protiv“ i bez glasova „suzdržan“, nije prihvatila Izvještaj o radu Vijeća ministara BiH za 2020. godinu, u dijelu nadležnosti Komisije koji se odnosi na rad Ministarstva vanjske trgovine i ekonomskih odnosa BiH.

Ad. 3. Razmatranje poslaničke inicijative Darijane Filipović i Predraga Kožula kojom Predstavnički dom Parlamentarne skupštine BiH zadužuje Ministarstvo vanjske trgovine i ekonomskih odnosa BiH i Ministarstvo vanjskih poslova BiH da preduzmu sve potrebne aktivnosti kako bi osigurali do kraja 2021. pristupanje Bosne i Hercegovine u Međunarodno vijeće za maslinovo ulje – IOC. Zadužuju se navedena ministarstva da, svako iz svoje nadležnosti, podnesu izvještaj Predstavničkom domu Parlamentarne skupštine BiH u roku od 60 dana od usvajanja inicijative, broj: 01-50-1-1183/21 od 9. 6. 2021.

Predsjedavajući Komisije pozvao je podnosioca ove inicijative da je obrazloži.

Podnosioci navedene inicijative su poslanici u Predstavničkom domu PSBiH Darijana Filipović i Predrag Kožul. Poslanica Darijana Filipović kazala je da se ova inicijativa svodi na zahtjev Bosne i Hercegovine za članstvo u Međunarodno vijeće za maslinovo ulje - IOC, zapravo da se ovom inicijativom obavezuje Vijeće ministara BiH, odnosno njegova nadležna ministarstva da preduzmu sve aktivnosti kako bi osigurali do kraja 2021. pristupanje Bosne i Hercegovine u Međunarodno vijeće za maslinovo ulje - IOC.

„Rok od 60 dana je dat zbog toga što je procedura učlanjenja vrlo jednostavna, a neke aktivnosti i procedure pokrenute pa bi bilo optimalno da za godišnju skupštinu IOC-a, koja će biti održana u 11. mjesecu ove godine u Gruziji, pripremimo i pošaljemo zahtjev za članstvo“, kazala je poslanica Darijana Filipović.

Nije bilo rasprave o ovoj inicijativi pa se pristupilo glasanju.

Komisija je **jednoglasno**

- **podržala inicijativu** podnesenu u skladu s odredbama Poslovnika Predstavničkog doma,
- **zaključila** da poslaničku inicijativu Darijane Filipović i Predraga Kožula uputi u daljnju proceduru, u skladu s Poslovnikom Predstavničkog doma Parlamentarne skupštine BiH.

Ad. 4. Razmatranje Informacije o trenutnom stanju u Izvozno-kreditnoj agenciji BiH (IGA) uzrokovanom blokadom glavnog transakcijskog računa, broj: 01,02 -50-18-1232/21 od 17. 6. 2021.

Predsjedavajući Komisije pozvao je predstavnicu IGA-e da iznese uvodno izlaganje u vezi s dostavljenom informacijom.

Lamija Kozarić-Rahman, direktorica Izvozno-kreditne agencije BiH (IGA), kazala je da je situacija u IGA-i i dalje vrlo teška, jer je glavni račun IGA-e blokiran od 18. 11. 2020. i od tada IGA nije u mogućnosti izmirivati obaveze prema zaposlenim i dobavljačima, otkazani su ugovori o zakupu poslovnih prostora u Banjoj Luci i Mostaru, a nije obnovljen ugovor o zakupu u Sarajevu gdje IGA još uvijek ima sjedište, ali nije u mogućnosti izmirivati režijske troškove i ne znaju do kada će moći ostati u ovim prostorima.

Zatim je kazala da se zaposlenim ne isplaćuju plaće ni doprinosi za zdravstveno i penziono osiguranje, te da su mnogi zaposleni napustili IGA-u.

Ponovo je istakla nemogućnost plaćanja pravnog zastupnika i plaćanje sudskih troškova za sporove u kojima je IGA strana u postupku, kao tužena ili kao tužilac.

Zatim je predsjedavajući otvorio raspravu.

U raspravi su učestvovali: Šemsudin Mehmedović, Mirko Šarović, Mijo Matanović, Zukan Helez i Dragan Bogdanić.

Nakon rasprave, Komisija je jednoglasno primila k znanju navedenu informaciju.

Komisija je, s pet glasova „za“, s jednim glasom „suzdržan“ i bez glasova „protiv“, usvojila sljedeći zaključak:

Komisija za vanjsku trgovinu i carine Predstavničkog doma Parlamentarne skupštine BiH predlaže Predstavničkom domu Parlamentarne skupštine BiH da Predstavnički dom pozove Tužilaštvo BiH da otvori istragu i utvrdi odgovornost Vijeća ministara BiH zbog nečinjenja, odnosno nepreduzimanja potrebnih radnji i mjera prema Izvozno-kreditnoj agenciji BiH.

Komisija je, također, jednoglasno usvojila i sljedeće zaključke:

1. **Osiguranje pravne pomoći IGA-i**, kako bi se IGA mogla zaštititi i braniti svoje interese u nadolazećim sudskim sporovima zaduživanjem Pravobranilaštva BiH ili angažiranjem advokatske kuće.
2. **Hitno deblokirati račun usvajanjem** izmjena i dopuna Zakona o osnivanju IGA-e ili izmiriti obaveze po osnovu sudske presude iz budžetskih sredstava, čime bi se deblokirao račun i osiguralo ponovno funkcioniranje IGA-e koja je do sada, na osnovu svojih poslovnih aktivnosti, bila u mogućnosti redovno servisirati obaveze.
3. **Uspostaviti međuministarsko vijeće**, na osnovu Zaključka Vijeća ministara BiH, broj: 05-07-1-1527-22/18 od 5. 6. 2018, i u skladu s članom 15. Zakona o osnivanju IGA-e.
4. **Formirati radnu grupu** koju će činiti predstavnici Vijeća ministara BiH, vlada entiteta i IGA-e, a koja će raditi na daljnjim smjernicama za pronalaženje rješenja. To bi uključivalo rad na dodatnim izmjenama i dopunama Zakona o osnivanju IGA-e, pitanja vezana za: nadzor nad radom Agencije, organizaciju i strukturu, način donošenja odluka o izloženosti po pojedinim proizvodima, definiranje pokrića gubitka i rasporeda dobiti, definiranje odnosa IGA-e i vlasnika (entiteta i države), jasno definiranje proizvoda koje će IGA implementirati, a koji su potrebni izvoznici, te kapital kojim će IGA raspolagati i ostala pitanja u vezi s nesmetanim radom IGA-e.

Ad. 5. Tekuća pitanja

U okviru ove tačke nije bilo prijedloga pa je predsjedavajući Dragan Bogdanić zaključio sjednicu.

Sjednica je završena u 13.55 sati.

Sekretarka Komisije

Mirjana Crnjak

Predsjedavajući Komisije

Dr. Dragan Bogdanić